

შესყიდვის ობიექტის ტექნიკური დავალება

სოფელ ამაღლებაში სამანქანო ხიდის აღდგენის, სოფელ ამაღლებაში სტადიონთან საავტომობილო ხიდის აღდგენის, სოფელ სამებაში ამბულატორიის შენობის რეაბილიტაციის და სოფელ ფარცხმაში ხანის უბანში საცალფეხო ხიდის მოწყობის სამუშაოების განხორციელებისას გასათვალისწინებელია შემდეგი მოთხოვნები:

1. ფარული სამუშაოების წარმოების შემთხვევაში მიმწოდებელი ვალდებულია ორი დღით ადრე აცნობოს ინსპექტირების ჯგუფს და შეადგინოს ფარული სამუშაოების დამადასტურებელი აქტები. აქტები წარმოებული უნდა იქნეს მიმწოდებლის მიერ, ინსპექტირების ჯგუფთან ერთად. აქტი დამოწმებული უნდა იქნეს ორივე მხარის მიერ. იმ შემთხვევაში, თუ ფარული სამუშაოების წარმოებისას მიმწოდებლის მიერ არ ეცნობება ინსპექტირების ჯგუფს, აღნიშნული სამუშაოები არ ჩაითვლება მიღებულად და დამატებით ხარჯებს არსებული სამუშაოს თავიდან საწარმოებლად გაიღებს მიმწოდებელი. წინააღმდეგ შემთხვევაში შემსყიდველი იტოვებს უფლებას ცალმხრივად შეწყვიტოს ხელშეკრულება.
2. მიმწოდებელმა ხელშეკრულების გაფორმებამდე უნდა შეისწავლოს ტექნიკურ დავალებაში მოცემული შესყიდვის ობიექტის წარმოდგენილი ხარჯთაღრიცხვა. გამოვლენილი უზუსტობის შემთხვევაში დაუყოვნებლივ აცნობოს შემსყიდველს, წინააღმდეგ შემთხვევაში პრეტენზია არ განიხილება.
3. სამუშაოს შესრულებისას ნებისმიერი კომუნიკაციის დაზიანების შემთხვევაში საკუთარი ხარჯებით უზრუნველყოს დაზიანების აღმოფხვრა.
4. შესრულებული სამუშაო მიღებულად ჩაითვლება შესაბამისი წესით მიღება-ჩაბარების აქტის გაფორმების შემდეგ.
5. შესრულებულ სამუშაოთა მაღალი ხარისხის უზრუნველსაყოფად, მიმწოდებელი ვალდებულია წარმოადგინოს გამოყენებული მასალების სერთიფიკატი, (მათი ხარისხი უნდა შეესაბამებოდეს საპროექტო დოკუმენტაციით განსაზღვრულ ნორმებს).
6. მიმწოდებელმა სამუშაოების წარმოება უნდა დაიწყოს ხელშეკრულების გაფორმებიდან ხუთი სამუშაო დღის განმავლობაში, წინააღმდეგ შემთხვევაში მიმწოდებელი იტოვებს უფლებას ცალმხრივად შეწყვიტოს ხელშეკრულება.
7. სამუშაოს შესრულების გარანტიის ვადა განისაზღვრება საბოლოო მიღება-ჩაბარების აქტის გაფორმებიდან სამი წლის განმავლობაში. მიმწოდებელი ვალდებულია საკუთარი ხარჯებით უზრუნველყოს გამოვლენილი დეფექტების აღმოფხვრა, დეფექტების აღმოჩენიდან არა უმეტეს ერთი თვის ვადაში.